

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

202

主 編 吳海鷹

副主編 吳建偉

雷興魁

雷曉靜

回族典藏全書

202

甘肅文化出版社
寧夏人民出版社

第二百零二冊 目錄

實夫詩存	清木刻本	清·李若虛		一
海棠巢詞稿	清木刻本	清·李若虛		三五七

咸豐辛酉新年鐫

錢塘李若虛著

實夫詩存

本衙藏板

文獻名實夫詩存
作者清·李若虛
版本清木刻本

序

實夫負雋上仇爽之姿隨其先德惕庵先生來蜀
時甫弱冠卽著有蕉綠軒詩卷乾隆丁酉受業於
潼川太守沈澹園先生學日進倡和日夥旋以道
遠不遑回籍應試庚子援例爲貴州銅仁府正大
營巡檢今改縣丞癸卯代辦松桃廳向係銅仁府分駐同知今直隸貴東
道同知事誼悞遂游幕黔中乙巳回蜀承松亭觀
察延主幕務已酉觀察邀赴西藏籌辦巴勒布邊
事辛亥廓爾喀卽巴勒布四部落之一不譴復偕觀察赴藏
壬子秋仁和孫文靖公以催運儲胥至藏見君詩

實夫詩序

序

一

文獻名實夫詩存
作者清·李若虛
版本清木刻本

文獻名 實夫詩存
作者 清·李若虛
版本 清木刻本

若詞激賞不置遂偕回成都節署此予與君訂交
之始也時軍需銷算冊籍填委君勾當之暇不廢
吟詠然隨作隨棄不錄副本予間有所作必以就
正嘗語予曰子詩貪多而好盡亦古人所忌至今
服膺焉而不能改蓋君瀟灑脫略與人交懃懃懇
懇無註語無諛詞人皆樂而親之嘉慶丙辰冬成
都話別庚辰予復入蜀重晤於玉沙街之寓館購
隙地爲園名曰怡種花蒔竹殆將爲寓公以終老
而君已病矣然尙能疆飯惟脛腓重腿跬步必須
扶杖詢以舊作則出海棠巢詞一帙予爲雕版以

行嗣其弟述軒刺史調任綿州迎養官廨甲申述
軒書來云吾兄病日劇於敝簾中檢得古今體詩
若干首久欲自加刪定今手已不能握管屬予校
訂惜其分體而不編年予因憶君蹤跡所歷約略
編次其譌脫之字則率臆添改不知者闕焉其時
君食息如故而語言蹇澀述軒誦予校本忻然首
肯不數月而君已化爲異物矣君四至西藏後二
次所偕者一爲英良圃中丞一爲豐瑞庵將軍其
與方有堂方伯相處較久曾偕至馬邊兵營方伯
方君哀其詩稿序而鐫之此皆予別後二十餘年

文獻名實夫詩存
作者清·李若虛
版本清·木刻本

文獻名實夫詩存
作者清·李若虛
版本清·木刻本

實夫詩存
之事述軒述而知之者編君詩卽以此爲次序至
道光甲申立春感懷三首乃絕筆也今述軒鋟君
詩屬予序之因述其出處梗槩及吾兩人離合之
緣如是至其詩之卓然可傳讀者自能領會之耳
君李姓名若虛字實夫錢塘人或姓馬者以幼爲
舅氏馬秋葯先生所鍾愛也

道光五年二月分廵永寧道愚弟周藹聯頓首拜
撰

題辭

章頰春漪

元禮聲名冠斗魁傳車三度走邛峽詩分靈隱峯

中秀人白華嚴法界來

先生詩中言
前生爲頭陀

風月肯將浮

宦易江山都爲寓公開如何鳳閣鸞臺手空向鸚

林鬥辯才

詩卷長留付次公典型人去太恩恩歌殘銅斗聲

猶壯瀉倒金壺墨尙融下士曾邀青眼顧高文端

合碧紗籠鄒枚老去風流盡腸斷梁園雪夜中

題辭

題辭

三

文獻名實夫詩存

作者清·李若虛

版本清·木刻本

文獻名 實夫詩存
作者 清·李若虛
版本 清木刻本

題辭

堯濬溶川

當代論文客誰爲第一流斯人扶大雅此筆擅千
秋佛國行踪遠蓉城勝蹟畱吟魂何處去合傍浣
溪頭

自罷黔陬尉終軍早棄繻如何羈幕府未獲綰銅
符羽檄從馳蜀蓴鱸每憶吳怡園風景好著述老
潛夫

泉石畱題遍長歌託興遙情原兼吏隱志久伴漁
樵露布饒歌紀宮詞樂府調無緣重御李嗚咽錦
江潮

實夫詩存

題辭

四

海岳供鞭撻心源辦古香時能驅屈宋亦復挾風
霜舊雨懷周勃肖濂觀察遺編付季方奇文終不朽作
自生芒

文獻名實夫詩存
作者清·李若虛
版本清木刻本

文獻名實夫詩存
作者清·李若虛
版本清木刻本

題辭

愚弟王夢庚西躔

太白騎鯨去遺編感不勝客居同杜老纂序異陽

冰刻自喆弟述軒刺史奇險江山助蒼涼歲月增含情重展

讀秋雨剔殘燈

斯人不可作風雅有誰倫萬里馳游展三江老斲

輪鞭心能入芥至味總如醇自爾叅微妙羣流莫

問津

舊識高人宅名園花木深棣華春映日桐葉坐彈

琴對客茶頻煮談詩夜忽沉陽春成絕響惆悵此

清襟

實夫詩存

別有餘音嫋吟成絕妙詞海棠巢影暖雲鷺唄聲
遲人有蓮花愛香先一瓣持海棠巢詞存先經周肖濂觀察付梓由
來不朽業留照錦江湄

文獻名實夫詩存
作者清·李若虛
版本清木刻本

跋

余兄幼耽吟咏長從沈澹園先生遊學益進後官黔省遊都門赴湟中而西域魚通凡四至焉得江山助益裒然成巨帙矣曩者石琢堂楊蓉裳兩先生曾爲點定勸付剞劂而兄謙讓不遑去夏病革余乃取其稿閱之有移蕉山房詩課及蕉綠軒詩抄則丙申丁酉年自課之作也後在潼川有來衮亭詩集官黔中有夜卽殘稿而前後出塞吟及海棠巢詩集乃往返西域及歸怡園時所著大都漶漫隨手雜錄之本乃爲彙抄郵寄周肖濂觀察刪

實夫詩存

跋

一

文獻名實夫詩存
作者清·李若虛
版本清·木刻本

文獻名 實夫詩存
作者 清·李若虛
版本 清木刻本

訂得若干首總名曰實夫詩存復排比時次以類
相從定稿時兄猶及見之同時校訂者爲楊未禪
堯溶川章春漪及春庭弟以道光五年二月刊竣
距先兄之歿僅百日也嗚呼以我兄之篤于孝友
也而家庭之際白首無間言以我兄之篤于伉儷
也而中饋之虛位者四十載至其出塞從戎也備
嘗險阻亦皆重朋儕尙義俠無所爲而爲也余雖
不知詩而因其人以想見其詩知必一往情深無
悖乎聖人興觀羣怨之旨者矣乙酉仲春同懷弟
紹祖謹跋